

瑰偉雄麗

晃山湯瀑記
晃山之瀑其數七十有二所謂三大瀑者曰華嚴曰霧降曰觀背觀背以幽奇勝霧降以綺麗勝華嚴以雄壯勝然持言其顯者不知有其隱於榛莽荆棘中之最奇也中禪湖北有龍頭瀑久而其名不顯蓋自北越三條人笠原文平始白根山歸然其奇者莫若龍頭上流湯瀑焉而其名之顯蓋自北越三條人笠原文平始白根山歸然其奇者莫若龍頭出溫泉匯而成湖曰湯湖湖之委流潰決奔注南壑是為湯瀑高四十五丈幅十丈其水自一大斷崖傾瀉盤旋而下殷殷轟轟然若千萬白蚪蜿蜒飛躍噴雪吐霧相掣攫而降草木震盪山鳴壑撼真現偉絕特之觀也明治八年乙亥八月文平與其鄉人源川小阪井山田諸子遊溫泉一日入山見之絕驚曰己有此大奇觀豈可使荆棘塞路沒其美耶慨然相偕捐資剪榛除荆棘新開一徑爾後遊此者皆得便湯瀑之名始顯云其間幽顯微之功奚翅極乎氏之比可謂偉矣客歲余遊晃山亦未見之乃許曰其麗似霧降其大有華嚴之雄若龍頭觀背乎其下矣於是創選晃山五名瀑華嚴之雄大湯瀑之偉麗霧降之綺麗龍頭之勇壯觀背之奇峭而他凡庸飛泉不與焉既而有人傳其記入新聞紙者時笠原氏既沒嗣子覽之喜表章其父之美也終遠道出都來謁曰湯瀑之奇發於先人而先人之志藉先生之文以顯于世悲喜交集欲為建一碑瀑下圖不朽願更記之余有感其孝思與奇遇也於是辭作之記明治十五年八月

古研齋主人杉華題額

一六居士巖谷修書

復軒學人大槻文彦撰

